

萬曆起居注

北京大學出版社

萬曆起居注

蘇子如
和齋

PDG

封面提字：陶俊山

封面设计：周永喜 高立明 何景贤

万历起居注（全九册）

北京大学出版社出版发行

北京大学图书馆文献部印刷

1988年10月第一版 1988年北京第一次印刷

787×1092毫米 1/16

印数：1—200册

ISBN 7—301—00612—8/K·041

定价：

数字图书馆
PDG

出版说明

这次正式影印出版的《万历起居注》是迄今存世的最早的起居注。起居注由来已久，先秦史官的职责就是记录帝王言行，「君举必书」。汉代始有起居注名称，汉武帝时有所谓《禁中起居注》，东汉时有《明帝起居注》。北魏孝文帝太和十四年（490年）第一次设立起居令史之官，另有修起居注、监起居注等官，专门记录皇帝言行、朝政大事，起居注制度逐渐完善起来，至明清历代相沿仿效。明朝中期一度中断，但到万历时又恢复了起居注制度，今存《万历起居注》即当时记录的传抄本，也是清代以前历代仅存的较完备的起居注。

起居注是历代王朝修实录与正史的主要依据。由于起居注是皇帝近侍史官原始记录，史料不仅具有原始性，而且也更具有真实性，是一朝的大事记录。所记不仅包括皇帝言行，而且广泛记录一代政务活动、财政经济、政治制度、国典朝章、官吏任免、军事活动、历史事件、民族关系等等，记事不厌其详。然而，明清以前，正史修成，起居注、实录便付之一炬，不留一字，唯恐泄露其中秘密。明清实录幸被保留，而起居注则不免毁灭

厄运，今存《万历起居注》、《康熙起居注》等，实在是凤毛麟角。

《万历起居注》虽系旧抄本，仍为海内罕见秘笈。据千顷堂、澹生堂书目载为二十卷，今本不分卷，当非一本。这次出版的《万历起居注》是北京大学图书馆所藏明末清初抄本，民国抄本补配而成，是今本中最完整、记事最多的一个本子，其中元年的记事部分，为北大馆独家所有。今天，这部起居注第一次影印公诸于世，为明史研究又提供了大量稀见史料，这无疑是海内外社会科学学者和广大读者盼望已久的福音。对于各学校、研究单位、公共图书馆来说，它也具有永久的保存价值。

北京大学出版社一九八八年七月十五日

萬曆二十六年正月丁亥朔

上免朝賀大學士趙志臯張位沈一貫恭請 仁德
門行五拜三叩頭禮。頒賜上尊珍饌。

九日乙未大學士趙志臯等 題伏見新年以來

氣候融和風日光霽屢降瑞雲豐稔有期 天意眷

款人心暢悅咸以為四海太平之兆 一人有慶之

徵也臣等叨居輔弼調燮無功實懷踴躍歡忭之心

未遂快瞻 而祝之願惟朝夕焚香祈我 皇上萬

福彌革萬壽彌增耳竊謂當此陽春開泰之時宜舉

大喜之典昨見禮部揭帖以 皇長子冠婚為 請

此乃極大最喜之事惟望 皇上裁自 聖衷以迎

宗社新至之禧不勝幸甚蓋皇長子今年已十
七歲茂齡不為幼矣冠婚二禮時不可以復違事不
可以復緩前已具請非敢多言恭候皇上特渙
給音傳示禮部俾斟酌儀注上請仍示各衙門
將合用各項錢糧早為備辦通行京城內外八府妙
選淑女以應好逑庶不致倉猝難備王等乘春仲
祀因事效忠伏望聖主俯細不勝忻躍仰望之至
十三日己亥大學士趙志臯張位沈一貫題昨
日臣等出劄時接得總督邢玠塘報征倭奇捷不勝
慶躍竊念東征事大臣等迴腸焦慮日夜不寧仰想
皇上益軫東顧之懷正無能以一言奉慰而復有

今提足以伸 中國之威靈 憐外夷之觀望 從此破
竹而進 蕩平可期 皆 天威遠疊 聖福弘庇之所
致也 臣等方欲具疏 仰慶而昨晚蒙 發下兵部覆
本謹體 聖心 采擬獎勵 賚賞等詞 恭進 訖 今日文
書官史 嶺口傳 聖問 征倭原只一箇 監軍本內 怎
麼有這幾箇 監軍 欽此 仰見 御覽 精明 神照 詳
悉 留心 邊事 此 社稷之大幸也 臣等看詳 監軍
之說 蓋進兵之時 分官軍為三 協而 軍門 撫院 及 監
軍 御史 及 提督 俱 差有 督 裨 旗 牌 官 各 一 人 在 中 協
則 監 軍 御 史 所 差 者 歐 陽 昭 也 在 左 協 則 監 軍 御 史
所 差 者 蔣 應 綢 也 在 右 協 則 監 軍 御 史 所 差 者 李 為

也非有三監軍御史也蓋軍中倉卒馳報不暇檢點
文字辭不達意有此相混其上文言軍門撫院其下
文言提督俱各開具差人姓名例亦同此亦非有三
軍門三撫院三提督也伏蒙 下問謹具回 奏昨
日王等面審報捷之人具述進兵情狀大雪數尺山
嶽險峻寒苦異常官軍皆餐風臥雪經理楊鎬與總
兵麻貴常馬步行而進親冒矢石淬礪將士設奇鼓
勇故成此捷今總兵邢亦由王京進發兵玠貽臣等
書中云蔚山城破潰散者萬人一半走江上奪舟而
溺死一半奔投島山清正之處請正先聞我兵進攻
蔚山急急來援而不及各浦乘船來援者三四萬象

而我兵先據海岸架砲遠打不得登陸報事人來之時已打破島山頭一層柵得級亦多尚有二層此時島山或已攻破若果清正在內必不能逃矣清正若捨餘倭不足平也臣等謹并具題以聞

十四日庚子大學士沈一贯題為東省防倭方亟講求集民間田之方以足財計以贍軍興事臣聞軍國之需最先是食生財之道貴在聚民頃因倭氛颶起海防戒嚴皇上俯采輿言創設天津登萊巡撫以圖戰守更責內地巡撫計處兵食器械以資接濟甚盛意也今山東巡撫缺特允以尹應元往整飭之事似可計日矣臣查其舊勅山東巡撫原有

營田一事後亦具文而不行今日時務特宜重此臣
請 皇上于勅書內特許便宜則可望山東一省不
請戶部不派小民而自裕其海防之資臣惟山東古
齊魯地春秋時管仲擁魚鹽之利通財積貨獨稱富
強至今舉臂勝事無不服籍輔其君桓公尊王室攘
夷狄為五霸首延至漢時尚稱其十二之國餉饋關
中冠帶天下何其雄也及今則厘厘裁自給而司農
之所以奉 京師餉九邊者悉仰之江南該省甫一
防海報告不足求盈于內帑借資於兩浙甘棄沃饒
坐視匱乏此豈無土哉耳有人則有土而有
財矣該省六府大底地廣民稀而逸東海上尤多拋

荒謂宜修管子之法管子曰凡有地牧民者務在四
時守在倉廩國多財則遠者來地辟舉則民留處今
日之事宜令巡撫得自選廉幹官員將該省荒蕪地
土逐一查覈頃畝的數多方招致能耕之民如江西
浙江福建山西及徽池等處不問遠近願入籍者悉
許報名擇便宜為之正疆定界署置安插辦其行次
原隰之宜以生五穀六畜之利語云荒田不耕繞耕
便爭必嚴轄土人而告戒之毋阻毋爭凡拋荒積逋
一切蠲貸與之更始或聽和買或聽分種其新籍之
民則為之編戶排年為里為甲循阡陌畝勸織禁絕
苛暴罷免追呼止奢借以養其淳樸之性興禮讓以

其親睦之俗以饒穀為市使輕民無所覲覩貪吏無
所漁獵或又聽其寄學應舉量增解額以作興之聽
其試武科充吏役納粟官以榮進之母籍為兵以駭
其心毋重其課以竭其財有恩造於新附而無侵損
于土著務令相安相信相生相養既有遺力又為之
洵濬溝渠內接漕流以輕車馬負擔之力使四方輻
輳于其間未多價平則鳴吹相應不煩遠輸而獲利
已多海渠相通則商賈至來魚鹽四出而其利益廣
不出數年可稱天府即不能如齊桓雉九合之師而
本地自稱富庶亦足以省司農請發之煩免百姓加
派之苦舒九重東顧之憂 增環海長城之重矣

第有司安循常而憚改作居民席世業而志分投必
且曰地皆主籍原無拋棄田皆獲鋤曾無荒蕪而不
知東人之習為惰農也已久師所謂主籍獲耨者志
鹵莽滅裂而與荒蕪正等耳高允有言方一里田三
萬七千頃若勸之則畝益三升不勸則畝損三升乃
百里損益之率為粟三百二十萬斛況其廣者乎東
土之貨棄于地東人之力藏於身安能如新集者勤
而相勸以復周漢之齊魯哉是事也宜專責巡撫之
擔任而巡按以時稽查之且重司道之選如近日楊
錫之在遼東霍鵬之在肅州皆以墾田開荒乏其人
可令名舉而用之以為率且精有司之選如先年中

其學趨蚊揚果輩皆勤敏精幹治邑如家者豈乏其人宜不限科貢英流而器使之以為長人且明勸懲之典有績則加官久任以優之一有股削不慮或溺職不舉如鋤苗之莠不時盡法以處之又且鋤豪右之梗若有造作流言破敗成事可令搜捕特處重典不必別立農官就府縣見職可以責任不許別請錢糧就本省倉庫可以通融事本不難得人即易蓋擁千里之地而志寡與貧者政不立也有千里之寄而不獲展試者任不專也數年前鄞汝璧巡撫此地有志矣而被流言以去美業不終甚惜之今尹應元之才何難於此第恐之委任不專便宜之不做耳前

日無成猶曰與天下相安于無事也不足深悔今日
無成則燃眉之急無所揀露肘之窮無所濟安得處
已而已乎 皇上奮誅島夷海內方唱嚮風樂趨
王事况招狹鄉之民以就寬鄉人心所欲因民之利
而利事亦不勞管仲之事功雖不足以為天下士大
夫願而姓取救時亦常有奮然而任者且聞江北畿
南可壅甚多又不特山東為然也以此風之利可益
開矣伏望 勅下戶部覆議如果臣言是採則詳立
條格嚴加責成仍編入 勅書令山東新任巡撫遵
行 國計幸甚海防幸甚奉 旨令財匱餉難公私
俱困地方官只圖那借別者搜窮民全不講求地利

生財之法覽卿奏具見謀 國志獻務本正論便行
與山東撫按督率有司着實修舉毋得仍前虛應故
事違着巡按御史稽查勒指以行賞罰都添入勅內
永遠遵行戶部知道

十八日甲辰大學士趙志臯張位沈一貫 題臣
等連日接得東征塘報我兵之在朝鮮者與倭苦戰
破其二城三寨而清正尚存島山城中堅壁死守我
師仰而攻之甚難為力四面援倭源源而來呼吸之
頃成敗懸殊臣等日夜關心日夜鼓足不敢以一勝
為喜實以未了為懼也願隔越千里徒有此心而力
所可為者在于 廟謨今 廟謨尚多缺失獨恃一